



# PELASAR PERINTAH ALLAH TAALA



"Naga nya pedis amat ati ngagai indu nya, lalu nyerang bala peturun iya ti bukai, iya nya semua orang ke ngasika pesan Allah Taala, sereta besaksika Jesus"  
(Pemandang 12:17)



I  
"Não farás outros  
deuses diante de Mim."

II  
"Não farás para ti  
imagem de escultura."

III  
"Não tomarás  
o nome do Senhor  
teu Deus em vão."

IV  
Lembra-te do dia  
do sábado para  
o santificar."

V  
"Honra teu  
pai e tua mãe."

VI  
"Não matarás."

VII  
"Não adulterarás."

VIII  
"Não furtarás."

IX  
"Não dirás  
falso testemunho."

X  
"Não cobiçarás."



Lebuh kitai beratika utai ke bekelingi enggau kitai ba dunya tu, dia kitai meda Allah Taala ngaga undang-undang laban dikena ngatur semua utai. Undang-undang meh ke nentuka penumbuh enggau pemansang utai ke idup. Bisi mega undang-undang ke nagang kitai ari tepelanting lebuch dunya bepusin enggau laju ba pejalai iya ngelingi matahari.

Tuhan mega ngaga undang-undang ke dikena ba chara kitai patut idup, sekaligus untkup orang ba dunya tu, tauka orang ba dunya-dunya ke bukai, nyengkaum bala melikat.

Tuhan ngengkahka undang-undang tu dalam ati genap iku utai idup ke ngembuan akal ba serata langit (*Rome 2:15*). Tang dosa udah ngerusakka undang-undang tu dalam kitai. Ari nya, Tuhan Empu deka ngenataika pekara nya baru ngagai kitai ari Jaku enggau utai ditulis (*Ulang Adat 4:13*).



### Undang-undang:

▶ Undang-undang ba rumah sembiang serega.

▶ Undang-undang ti meruan.



### Sabat:

▶ Reti Sabat.

▶ Sabat enggau pengujung timpuh.



▶ Undang-undang, Sabat enggau sembah.

# UNDANG-UNDANG



# UNDANG-UNDANG DALAM RUMAH SEMBIANG SEREGA

**"Rumah Sembang Allah Taala di serega lalu dibuka, lalu Peti Lampang Batu Adat bisi dipeda dalam Rumah Sembang nya" (Pemandang 11:19)**



John meda Rumah Sembang ti tebuka, ari endur ti tebuka nya iya lalu ulih tepedaka peti semaya (*Pem. 11:19*). Kati peti semaya nya dilalaika datai ngagai timpuh tu? Nama ke dilambangka enggau genera tu?

Dikena nemu genera tu, kitai enda tau enda meratika utai ke nyadi ba rumah sembiang dunya, enggau atur sembiang ke diintu dalam nya.

Peti semaya deka mengkang dilalai sepanjangi taun, iya semina ulih dipeda ba hari Bedamai aja [Day of Atonement] (*Lewi 16:2,12-13*). Hari pechara tauka pengakim deka dipejalai ba hari tu, ke alai dosa-dosa deka dibuai (*Lewi 16:30*).

Genera ke dipadah John nerangka, enda lama lepas genera ba bagi 11 (lebu mayu Bup Kudus ngelekai enggau mayuh bendar ba pun abad ke 19), hari pechara pen berengkah.

Sebaka enggau rumah sembiang dunya, dalam peti semaya nya bisi pesan 10, ke dikena ngakim kitai. Dalam nya mega bisi penuduk pengasih ke ngelambangka pengasih Allah Taala, ke alai darah Kristus nyerayung dosa kitai (*1 Pet. 1:18-19; 1 John 2:2; Mas. 85:10*).



# UNDANG-UNDANG TI MERUAN

"Anang ngumbai Aku datai deka muai Adat, tauka muai ajar sida nabi. Aku ukai datai deka muai Adat, tang deka ngamatka iya" (Matthew 5:17)



Taja kitai selalu amat ninga orang madahka Pesan 10 udah dibuai Jesus ba atas kayu regang, iya ti bendar tu ukai ajar bala orang reformasi, lalu nadai mega diajar dalam Bup Kudus.

Taja endang amat undang-undang enggau atur begawai ke bisi kaul enggau rumah sembiang dunya kelia deka nadai agi diguna lepas regang, tang Pesan 10 enggai nyadi digaga baka nya (Ep. 2:15).

## Perangai Allah Taala

"Perintah Nuan beduduk ba pengelurus enggau atur ti manah" (Mas. 89:14a)

"Pengerindu enggau penetap ati Nuan nyata ba semua utai ti dikereja Nuan" (Mas. 89:14b)


## Undang-undang

"Semua pesan Nuan endang lurus magang" (Mas. 119:172b)

"Adat Nuan endang amat" (Mas. 119:142b)

Undang-undang Tuhan deka mengkang belama ia, nadai tatak ba timpuh, sempurna, lalu deka dikena ngatur perangai genap iku orang ke ngembuan akal ke digaga Allah Taala (Mas. 19:7; 119:142; Rome 7:7, 12, 16, 22, 25; 1Jn. 3:4).

Iya ti bendar, undang-undang nya endang utai ti meruan, laban iya nyerminka genap bengkah perangai Allah Taala (Mas. 89:14; Mas. 119:172, 142).



# SABAT



# RETI SABAT

"Intu Hari Sabat, lalu gaga iya nyadi hari ti kudus" (Pemansut 20:8)



Pesan ti keempat minta hari Sabat dintu kategal dua iti kebuah: Allah Taala ngaga kitai (*P-sut 20:8-11*); lalu Allah Taala mega ke nebus kitai (*Ulang 5:12-15*).

Ba kitai, Sabat nya meh maya alai ngetu lalu muji Penengkebang kitai, timpuh alai betatika pengerindu Iya ke udah nebus kitai, lalu ingatka semaya Iya ti deka begulai enggau kitai ba dunya baru. Enti kitai meretika hari Sabat enggau chara baka tu, iya deka nyadi berekat ke spesel amat datai ari Allah Taala ngagai kitai.



Pekara tu madah ngagai kitai, Tuhan rindu amat ke kitai datai ke Iya enda ninggalka kitai lebu ti beserara enggau Iya. Lambang pengetu, ukai enda gawa; lambang pengasih, ukai pengeras; penyelamat, ukai ditekanka salah; bepanggai ba penyelamat ari Allah Taala, ukai ba pengawa gaga diri empu.

Ari ti ngintu Sabat, tu nerangka penaluk kitai ngagai Allah Taala, enggau pengeran ati kitai deka nyembah Iya siku aja.






# SABAT ENGGAU TIMPUH PENGUJUNG

"Iya dikemendarka ngesuhka seput ke dalam anak patung jelu nya, ngambika anak patung nya nemu bejaku enggau munuh semua orang ke enggai nyembah anak patung jelu nya" (Pemandang 13:15)

Pemandang 13 nerangka mayuh macham kuasa perintah ke dikena Sitan ngelimpangka dunya ari Allah Taala. Genap iti utai dalam bagi tu endang bisi kaul magang enggau sembah (Pem. 13:4, 8, 12, 15).

Siti ari kuasa perintah nya, bisi kaul enggau tanduk mit ke dipadah ba Daniel 7, lalu kuasa tu deka nguji ngubah timpuh enggau undang-undang (Pem. 13:5; Dan. 7:25 - 42 bulan sebaka enggau timpuh, dua iti timpuh enggau setengah timpuh).



Kuasa perintah tu deka madamka pesan lumur 2 (nyembah engkeramba), ngubah pesan lumur 4 (timpuh alai besembiang), mindahka pengudus ba hari Sabtu ngagai hari Minggu.

Ba pengujung timpuh, iya deka mejal orang nyembah gambar, ari ke nagang orang bejual-bebeli [pengawa ke ditagang lebuah Sabat] (Pem. 13:14-17). "Chap jelu" tu deka nyadi lambang ke madah ngagai kitai pasal orang ti nerima hari Minggu ke digaga mensia nyadi ke hari sembiang, lalu ukai hari Sabtu ke ditetapka Allah Taala.





UNDANG-UNDANG,  
SABAT ENGGAU SEMBAH

"Ku iya bejaku enggau nyawa ti inggar, 'Nangika Allah Taala, lalu pujika mulia Iya, laban maya udah datai alai Iya deka ngakim. Sembah meh Iya ti udah ngaga serega, tanah, tasik enggau mata ai' " (Pemandang 14:7)



Berita tiga renggat ke dipadah ba ujung timpuh endang bisi kaul enggau sembah, ianya ba hari Sabat enggau ba Undang-undang Allah Taala.

### Berita satu

Pemandang 14:6-7

Besediaka timpuh pechara (Undang-undang nyadi ke pengabas), lalu nyembah Penengkebang (Sabat ngasuh ingatka tu)

### Berita dua

Pemandang 14:8

Ngelengka ke atur sembiang ngagai Allah Taala ke pelsu

### Berita tiga

Pemandang 14:9-11

Nentuka sapa ke disembah enggau bakani nyembah: Tuhan, ngintu Sabat; tauka munshuh, nerima chap iya



Dua iti pekara bekaul enggau orang ti bediri teguh ba ujung timpuh: sida ti "ngasika pesan Allah Taala, sereta tetap ati arapka Jesus" (Pem. 14:12).

Ngambika sida ulih ngintu pesan ba timpuh tusah nya, sida enda tau enda nerima pengarap Jesus, ianya pengarap ti dalam sereta pengarap ti nadai begilik.

**“Enti sema semua mensia ngintu Sabat, dia runding enggau pengasih sida ke Penengkebang deka ngasuh sida ngembuan basa sereta nyembah Iya, ari nya deka nadai penyembah engkeramba, orang kampir enggau orang ke nadai arapka Tuhan. Ngintu hari Sabat deka nyadi kelai penaluk ke Allah Taala ti bendar, “Iya ti udah ngaga serega, tanah, tasik enggau mata ai.” Pesan ke ngasuh orang nyembah Allah Taala sereta ngintu pesan Iya, ke bendar tu meh kangau ke ngasuh sida ngintu pesan lumur empat.”**